

喜光于來岳雲樓

有緣千里來相會無累一身任遠遊我愛閬州李居士飄然來  
到岳雲樓

樂樂樂

說說說樂樂樂風正停月未出灘正明秋氣肅我有一道情深  
深淺淺說人能脫盡塵中俗後天真氣頻溫服不怕風寒不遭  
瘟疫年可延今嗣可續萬般都是精神作精神作兮獲多福不  
要符來不要藥但遇天行盡掃卻樂樂樂

曉吟

日觀峯頭趁曉來忽聞山寺鼓鐘催扶桑頂上天雞唱一帶紅

道藏輯要

三丰全集 古今詩類

卷

續畢集九

霞曙色開

示朱生李生

二子將稀古抽身遠市喧澄心宜寡欲養氣戒多言閬水辭千  
里佳山住一番從今尋本性自此脫塵樊

題族人德軒墓

孝友人家百忍堂能修祖德自流芳德軒穩臥方山下產作靈  
芝九朶香

示劉白酒李魚溪

白酒魚竿客青山道稱風二生皆可笑年壯鬚鬢翁世外煙霞  
古江邊氣象空早研清淨里幾片白雲中